

سنه لکی در سعادت ایچون مجیدیه
یکرمی غروش حسابله التمش
غروشدر

طشمره ایچون پوسته اجرتی اوله رف
اون بش غروش ضم اولنور

نسخه سی ۴۰ پاره در

جريدة محاکم عدلیه

آبونه اولمق ایستینلر دائره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

جريدة محاکم عدلیه دخی من غیر حد عرض و ایفای وظیفه تبریک
وتهنیت ودعای بیرای ولی نعمت بیمنت ظل الهیلرینی تذکار وتلاوتله
ترتین لسان وقیت ایلر.

جناب خالق کون و مکان خلیفه پیغمبر ذیشان شهریار عدالت
اقتران ولی نعمت بی امتنان السلطان ابن السلطان الغازی (عبدالحمید)
خان ثانی افندمر حضر تلیرینی وفور تندرستی وعافیتله مادام الا کوان
اریکه پیرای عز و شان ونیجه نیجه دوره یوم ولادت هایون مسعدت
مقرون خلافتپناهیلرینک شرف ادرا کيله کافه بندکان وزیردستان
ملوکانه لرینی کامین وشادان بیورسون آمین بحرمه سید المرسلین



ولادتپناهیلرینک

حضرت خلافتپناهیلرینی

مرحمت سنیة حضرت تاجدار اعظمی

جملة الطاف و عنایات مالانهایه جناب خلافتپناه اعظمیدن اولمق اوزره
در سعادت حبسخانه لرنده مدیوناً محکوم اوله رق محبوس بولنان معلوم الاسامی
کسانک بوکره طرف اشرف جناب پادشاهیدن عنایت واحسان بیورلمش اولان
یکرمی طقوز بیک کسور غروشک دایرینه توزیعيله سیلارینک تخلیه سی خصوصه
اراده سنیة جناب خلافتپناه شرف تعلق بیوریله رق برمنطوق امر و فرمان هایون
اشخاص مرقومه نك سیلاری تخلیه اولنش و بو وسیله خبریه ایله ده ادعیه مفروضه
جناب شهریار اعظمی تذکار وتکرار قلنمشدر.

بولتیقه وسوء قصد وفعل شیعیدن ماعدا جرائم ایله محکوم اولان مجرمیندن
در سعادت حبسخانه عمومیسندنه محبوس اولوب ثلثان مدت جزایسه لرینی اکیل
ایدن یوز ذکور وایکی اناتکه جمعا یوز ایکی کشینک ولادت هایون میان
مقرون حضرت خلافتپناهیه به مصادف روز فیروزه حرمة اخلائی سیلاری
وطشمره حبسخانه لرنده محکوماً محبوس بولنان بو مثللو مجرمینک دخی عفو عالی
جناب پادشاهیدن استفاده ایتک اوزره کیفیتک هر طرفه تلغرافله تبشیری خصوصه
اراده مراحم معتاده جناب جهانبانی شرف تعلق بیورلمش و برمنطوق امر و فرمان
هایون اقتضاسنک ایفای ضمنتده عدلیه نظارت جلیله سندن ضبطیه نظارت جلیله سیله
در سعادت استیناف مدعی عمومیلکنه تذکره لر تسطیر و طشمره محاکم استینافیه سی مدعی
عمومیلکیرینه کیفیت تلغراف ایله تبلیغ و تبشیر ایدلمش و مذکور حبسخانه عمومیده
محبوس اولوب مظهر عفو عالی اولان مجرمینک حضوری معتاد اولان ذوات
مواجهه سنده سیلاری تخلیه اولنه رق عمومی طرفندن دعای تمادی عمر وعافیت
واجال ولی نعمت بیمنت اعظمی یاد وتذکار قلنمشدر.

ولی نعمت بیمنتز پادشاه عالیه شاه شهنشاه معدلت اکتناه افندمر
حضر تلیرینک ولادت باهر السعادت جناب خلافتپناهیلرینه مصادفتله
اسعدالایام اطلاقه بالوجه شایان اولان شهر شعبان شریفک اون التجی
کونی بالعموم قلوب بندکان وزیردستان ملکدار اعظمیلرینه مسرت
وسان ومستلزم شکران فراوان برروز میانم افروزدر.

عصر سعادت محضر حضرت جهانداریلرنده انجلاساز عیون مفخرت
اولان بونجه مظهریات وموفقیات جناب ملوکانه لرینی تبجیل وتسعیده
بروسیله متیمنه ارانه ایدن بویوم مسعدت توأمده امور عدلیه جه دخی
پیدرپی تأسیباب کمال اولان اصلاحات جلیله عالمپسندانیه شهریار
اعظمیلرینی نشر وتعمیم خدمت شرفنقبیتله حائز افتخار عظیم اولان

توضیحات

قره فربه قضای بدایت محکمه سی جزا دائره سی ریاستی قرجه علی قضاسی بدایت محکمه سی جزا دائره سی رئیس رفتلو ویسی افندی به قرجه علی قضای بدایت محکمه سی جزا دائره سی ریاستی کریم بدایت محکمه سی رئیس داود افندی به کریم بدایت محکمه سی ریاستی رومیوز قضای بدایت محکمه سی جزا دائره سی رئیس سابق بدرالدین افندی به

بلنقه قضاسی بدایت محکمه سی مدعی عمومی معاونت کی مکتب حقوق شاهانه مآذونلرندن محمد صبری افندی به تفویض بیورلش ومومی الهمدن محلف اولیان صبری افندی کی علی الاصول امر تحلیفی در دست اجرا بولنشدر .

وظیفه مآوریتی حسن ایفا المکده اولسنه مبنی بغداد وبصره وموصل ولایتاری عدلیه مفتشی عزتلو ضیا افندی به ترفیعاً رتبه ثانیه صنف متنازی قرجه علی قضاسی بدایت محکمه سی اعضا سندن فوتلو احمد افندی به رتبه علمیه سنک ملکیه تحویل به رتبه رابعه توجیه بیورلشدر .

تبدیلیات

انجمن عدلیه دن تنظیم واعطا قلنان مذکره در: رژی اداره سنه متعلق دواویدن طولانی استیفا سی لازم کلان خرج ورسوم ایله معاملات سائر به متفرع اولوق اوزره بعضی محللردن وقوعبولان وتواریج مختلفه انجمن عدلیه دن بالتظیم جریده محاکم عدلیه ایله نشر واعلان اولنان مذکره لر مندرجایله دماوی مذکورنک امر تدقیقاتی نه صورته مشکلا نه اوضار دلش اولدیفندن باحث اولوب حواله قلنان اداره مذکور قومیسر لکنک ۱۵ مارت سنه ۳۳۲ تاریخلی تذکره سنه ملفوف مدیریت عمومیه نک مذکره سی مطالعه اولندی .

مذکره مبحونه ده عکی خصوصاتک برنجیمی محاکم جزاییه جه قیاقیقده بولنان اشخاصدن تحصیل تحت حکمه النان جزای تقدینک تسویه سندن اقتناع وقوعنده نظامنامه مخصوصنه توفیقاً اشخاص مرقومه نک حبسی کیفیت دخی مقدما بر لکنه قراره ربط ایدلکنه ایکن بالاخره انجمنندن درمیان اولنان مطالعه دائره سنده هم جزای تقدی وهم حبس مسئله سی ایچون بشقه بشقه اعلام استحصاله

ایدلکنه اولان دماوی مبحوث عنادن طولانی اصول محاکمات جزاییه قانونه توفیق مسامله اولنیوب وجاهاً صادر اولان مقررات بیه اصول محاکم حقوقیه قانونه تطبیقاً محکوم علیهمه تبلیغ ایستدیرلمکسزین موقع اجراه وضع اولنمقدمه واستیناف وتمیز مدتلری دخی بوناریخ تبلیغدن حساب واعتبار ایدلکنه اولدینی مرکزنده بولنشدر .

رژی نظامنامه سنک التشیجی ماده سی کرک مظلونلرک جلب واحضاریه دعوانک تدقیق وکرک حکمک واوراق سائر نک تبلیغیه اجراه متعلق معاملات مآورین عدلیه نک اصول محاکم حقوقیه مندرج احکامنه توفیقاً ومستعجلاً ایفا به مجبوریتلری اراده ایتمکنه اولسنه نظراً مقررات مذکورنک قسم وجاهیسی دخی شو صراحت نظامیه ایجابجه محکوم علیهمه تبلیغ اولنیو مقتضی وتابع تبلیغ اولان بویکی احکام صادردهن طولانی اقامه اولنه حق استیناف وتمیز دعواتری ایچون تعیین قلنان مدنک مبدائی تاریخ تبلیغ اولوق طبیی بولنش وانجمنجه ده ماده مزبورنک صراحتیه وامر تطبیقاتک ببولده جریانی لزومی تعیین ایدن محکمه تمیزک اعلامات متعدده سی مندرجانه ایثنا رژی دعواترینه متناز محاکم مذکوردهن ویریلان وجاهی وغیای اعلامات محکوم علیهمه تبلیغی اقتضا ایدجهکی تقرر ایتمشدر .

اوجنجیسی رژی اداره سی جانبندن مقررات ابتداییه علیهنده اقامه اولنان استیناف دعوا سندن طولانی اصول محاکم حقوقیه وتمیز دعوا سی ایچونده اصول محاکمات جزاییه قانونلرینه تطبیقاً اداره نک ایقای شرائطه مجبور طوتمسی ماده سیدر .

شو مسئله اولجده اداره مذکور طرفندن درمیان ایدلش اولسندن ناشی ۸ نisan سنه ۳۱۸ تاریخله تنظیم واعطا قلنان مذکره توتون جزای تقدیسنه متناز بولنان دماوی نک محاکم جزاییه ده رژی و حکم ایدلکنه اولسی اعتباریه استیناف وتمیز دعوی وقوعنده شرائطه متفرع اولان معاملات دخی اصول محاکمات جزاییه قانونه توفیقاً جریانی اقتضا ایدجهکی سرد ویسیان اولنقله برابر اساساً رژی نظامنامه سنک تفسیر مندرجانه تعلق ایدن شومسئله نک شورای دولته تدقیق ومذاکره به محتاج ایدوکی کوسترلرک اولوجهه باب عالی به اشعار کیفیت ایدلش اولدینی تبعات قیودیه دن تحصیل معلومات جله سندن بولنش اولدیفندن تکرار موضوع بحث ایدلش اولسی دلالتیه هنوز برقراره ربط اولندینی اکلاشیلان وذاتاً محاکم معاملات ومقرراته تعلق نقطه سندن انجمنک مخاطب اوله میه جنی

طبیی بولان شو خصوصدن طولانی اشعار سابقک تا کیدی مقتضی بولنشدر .

در دنجیسی توتون جزای تقدیرلرینک انجمنجه رژی اداره سنک حقوق شخصیه سندن عد واعتبار ایدلشی نتایج طبیی سندن اوله رق اولباده کی اعلاماتک خرجی بوجه پشین تأدیه اولنمکسزین اعلام تنظیم واعطا قلنمقدمه اولسندن شکایتی حاویدر .

رژی نظامنامه سنک الی سکرنجی والی طقوزنجی ماده لری منطوقجه اداره نک ارامقدمه اولدینی جزای تقدیرلرینک طولانی نصفه قدر تزیلات اجراسیله صلاحاً تسویه مصلحته مآذون اولوب شو حالده بونلرک جزا قانوننامه ها بونی مندرجانه توفیقاً حکمه ربط اولنان وصورت صلحیه ده امر استیفا سنک عدم جوازی جهتله محکومدن تحصیل لازم ولابد اولان جزای تقدیرلرینک جله سندن اولمامسنه واداره مذکورنک ذات دعوا ده کی صفت وصلاحیه کوره توتون جزای تقدیرلرینه رژی نک حقوق شخصیه سی نظریه با قلع طبیی ورسوم عدلیه ترفه سنک اللتی ماده سنده دخی بوقیل حقوق شخصیه دعوا سندن طولانی محکوم علیهمه عاند اولوق شرطیه مدعی شخصیلر دن محاکم حقوقیه جاری اولان خرجک پشیناً استیفا سی لزومی محرر بولنش وشو اسباب موجب قانونیه بناء اداره مذکور اعطای خرج خصوصنده معاملات عمومیه به تابع طوتمشدر .

بشنجیسی تحت حکمه النان جزای تقدیرلرله مصارف محاکم نک دوائر اجراییه به بالکر الله ایدیه بیلان آلات وادوات اتمانندن استیفا شه حصر معامله اولنه رق نظامنامه نک در دنجی و بکرمی در دنجی والی در دنجی ماده لری احکامنه توفیقاً قیاقیق نک سائر اموال واشیا سنه مراجعت حقندن اداره نک استفاده ایدیرلامسی مسئله سیدر .

بالاده بسط ویسیان اولندینی وجهله رژی نظامنامه سنک التشیجی ماده سی سالف الذکر جزای تقدیرلرک انجمن ضبط ایدلش اولان قلیله آلات وادوات اتمانندن استیفا اوله بیه جکی وبوصورتله تحصیل قابل اولدینی تقدیرده قیاقیقک حبس وتوفیقی جهته کیدیه جکی کوسترمکنه اولسنه واستناد ایدیلان مواد مبحوث عنها ایله نظامنامه نک محتویات سائر سنده دخی بونک خلافه ملاس واداره نک بیاناتی مصدق بر قید وصراحت اولمامسنه نظراً حکم نظامه اعتراض شکایتی آلا شو فقره بوندن فضله جواب اعطاسندن مستفی کورنشدر .

تفصیلات مبسوطه دن منظم اوله جنی اورده رژی اداره سنک اول و آخر سرد شکایتله تبدیل وتصحیحی طلب ایتمکنه اولدینی خصوصات تلخیص ایدیلنه جی شو

نتیجه حاصل اولیورکه بوده اداره مذکور قیاقیقلر علیهنده اقامه ایدیلکی دعوا دن طولانی برکونه خرج ورسوم اعطاسیله مکلف اولماق ووریه جک اعلامات خرج به تابع ایسه موقع اجراه طوغریدن طوغری به قیاقیقندن التی واعلامات مذکورنک مقررات وجاهیسی حاوی اولانلری تبلیغ کلفندن وارسته طوتمکی ومحکوم به جزای تقدیرلرک استیفا سی ایچون قیاقیقک سائر اموال واشیا سنه مراجعت ایدلک صورتلرله دماوی مذکور حقتنه جهت عدلیه جه فوق النظام معامله جریانی طیلندن اولوب نظامنامه مخصوصی احکامیه قابل تألیف وتوفیق اولیان شو مطالبک انجمنجه عدم ترویجندن طولانی وقوعه کلان شکایاتک اساس وماهیتی اعتباریه شایان قبول واسعا ف اولدینی بوکرده اسباب موجبیه سرد ویسیان اولنش اولدیفندن اوجنجی فقره نک اجریه سنده کوستریلان لزوم وجهله شرائط استیفا وتمیزیه به متناز و نظامنامه نک تفسیریه متفرع کورینان جهت حقتنه باب عالی تا کیداً وخصوصات سائر دن طولانی سنده رژی قومیسر لکنه جواباً تذکر علیسه تسطیری تذکر قلنشدر .

محاکمات و توفیق

محکمه تمیز استعدا دائره سندن تنظیم واعطا قلنان اعلامدر :

میخالیچ قضاسنه تابع حوطانی قریه سی اهالی سندن منلا عثمان بن منلا حسین ایله بینلرنده متکون دعوا به دائر خداوندکار ولایتی استیناف محکمه سی حقوق دائره سندن لاحق اولان ۲۴ مایس سنه ۳۳۱ تاریخلی واون عددلی اعلامک تمیزی مستدعی میخالیچ قصبه سنک دیاغرر محله سنده مقیم بارونجی علی اوغلی حسین افا وکیلی نیشترجیان میقاتل افندی نک ویردیک صر محال ومتفرعاتی باش مدعی عمومیک مآوریت بهیه سنک مطالعه نامه سیله برلشدر بیه لره محکمه تمیز استعدا دائره سنده لدی التدقیق مذکور صر محالک مدت وشروط قانونیه سنه موافق واعلام مذکورک وظیفه قرارینه متعلق اولسی اعتباریه قابل تمیز اولدیفنه مبنی قبوله اکثریتله قرار ویرلکدن صکره اعلام مزبور حقتنه تدقیقات تمیزیه اجراسنه ایستدار قلندی .

اعلام مذکورک مالی مرقومان منلا عثمان وحسین افا میانه لرنده منازع فی اولان معلوم الحدود ترلرک مدعی علیه حسین افانک بلا تراغ مرور زمان حدنجه

تحت تصرف وزراعتنده بولندینی بالینه ثابت اولسنه مبنی مرقوم حسین افانک یدنده اقباسیله نامه طابو سنداتی املا واعطاسنه ومدعینک یدنده سنداتک ابطاله دائر میخالیچ قضای بدایت محکمه سی حقوق قسمندن تنظیم واعطا قلنان اعلامک عند الاستیناف اسباب قانونیه دن طولانی فسحیه کیفیتک اصول وقانون دائره سنده بالرؤیه اعلامه ربطی ضمنتده حمله اعاده سنه قرار ویرلکندن ومستدعی تمیز وکیلنک اشبو قرار علینه لایحه سنده مندرج اعتراضاتک خلاصه سی دخی حکم قطعی منضمین اولان اعلام ابتدائیک محکمه استینافیه جه فسختدن صکره کیفیتک رؤیت واکالی مقتضی ایکن محله اعاده کیهته قرار ویرلشی مقار قانون ایدوکنندن بختله اعلام استیناف مذکورک قضی ومدعی علیه منلا عثمان وکیلی مصطفی افندی طرفندن ویریلان لایحه ده محرر فذلکله اجوبه ده اعلام مذکورک قابل تمیز اولدینی بیانیله تمیز صر محالک ریدی استعدادن مطالعه نامه نک مفادیده محکمه استینافیه جه فسخته قرار ویریلان بدایت اعلامی اساس ماده حقتنه حکمی حاوی اولدیفنه مبنی نوافس واقعه نک استیناف محکمه سنجه اکماله قراره ربطی قانوناً لازمه دن ایکن محله اعاده کیهته قرار ویرلشی مخالف قانون اولدینی جهته اعلام مبنی بهک نقضی لازم کله جکی بیاندن عبارندر .

ایجابی لدی المذاکره مأل اعلام استینافیدن منظم اولدینی وجهله محکمه استینافیه جه فسخته قرار ویریلان حکم ابتدائی مدطبه ترلالر مدعی علیه حسین افانک بلا تراغ مرور زمان حدنجه تحت تصرف وزراعتنده بولندینی بالینه ثابت اولسنه بناء مذکور ترلالرک مدعی علیه مرقومک یدنده اقباسیله نامه طابو سنداتی املا واعطاسنه ومدعینک یدنده سنداتک ابطاله حکمدن عبارت وبناء علیه قطعی اولسنه وبوموقله احکام قطعیله ابتداییه نک عند الاستیناف فسختی حالنده کیفیتک محاکم استینافیه جه رؤیت واکالی لزومی اصول محاکم حقوقیه قانوننک یوز طقسان یدنجی ماده سنک فقره اخیره سنده محرر بولنسنه کوره کیفیتک محکمه استینافیه جه رؤیت واکالی لازم کلور ایکن درجه اولی محکمه سنه اعاده کیهته قرار ویرلشی ماده مذکور حکمه مقایر کورندیکندن قانون مزبورک ایکی یوز اونوز ایکنجی ماده سی موجبجه اعلام استیناف مذکورک قضیه کیفیتک رؤیت واکالی ضمنتده استیناف محکمه سنه اعاده سنه وایچوز قرق التی غروش اون باده مصارف تمیزیه نک بالاخره حقسز جیه حق طرفه راجع

اولمق اوزره اول امرده مستدعی تمیزدن التمسنه ۳۰۲۲ مایس سنه ۳۲۲ تاریخده متفقاً قرار ویرلدی .

محكمة تمیز حقوق دائره سندن تنظیم واعطا

قلتان اعلامدر :

بوردر قصبه سنک حاجی احمد محله سنده مقیم حاجی محمود بک زاده حسنی بک ایله قصبه مذکوره ده ساکن حاجی اغوب افندی یینلرنده متکون دعوایه داتر بوردر سنجانی بدایت محکمه سندن تجارت صفقی ۱۰۰ ایلول سنه ۳۰۷ تاریخی واون درت عددی ایله ویریلان اعلام مومی الیه حسنی بک طرفندن تمیز اولمقله باش مدعی عمومیلک ما موریت بهیه سنک مطالعه نامه سی الندقدن صکره اعلام مذکور یالکیز مستدعینک اعتراض لایحه سیله بالمطالعه تدقیقات تمیزیه اجراسنه ابتدار قلندی .

اعلام مذکورک خلاصه مآلی مزبور حاجی اغوب افندی بک بدر زاده حاجی عبده اغا طرفندن کندوسنه جبرو اولسان امره محرر برقطعه سند موجبنه مومی الیه حسنی بک ذمتده الاجنی اولان یوز اوتوزبش عدد سیم مجیدیه نک مع فائض تحصیلی وحکمک موقتاً اجراسنی طلب ودعوی واثبات مدعا ضمنتده مذکور سندی ابراز واعطا اتمسینه قارشو مدعی علیه حسنی بک دخی منازع فیه سند وزیرینه موضوع مهر کندوسنک اولوب انجق حاوی اولدینی مبلغی سندی جبرو ایدن مزبور حاجی عبده اغا دن المقسزین مذکور سندی اکا ویردیکنی واخذ اولنمایان برپاره نک اعطاسینه لازم کلیه جکنی و بدلی مدعی طرفندن هنوز تسویه اولنمقسزین مواضعه صورتیه وقوعبولان جیرونک معتبر اوله میه جغنی بالیان حق رجوعه صلاحیتی اولمق اوزره شخص ثالث صقیله مزبور حاجی عبده اغا نک دخی محاکمه ده حاضر بولندیرلمق اوزره جلبی مدافعه در میان ایتیمی اوزرینه سبق ایدن محاکمه و تدقیقات نتیجه سنده مومی الیه حسنی بک مزبور حاجی عبده اغا به رجوعه حق صلاحیتی اثبات ایدر صورتده عندالمحاکمه ادله واماره بیان ایده مامش اولدیغندن بوخصوصه داتر برکونه دعواسی اولدینی صورتده ایزوجه اقامه ایتیمکه مختار اولمق اوزره مجله نک بیک الی یوز اونجی ماده سی موجبنه مدطابه یوز اوتوزبش سیم مجیدیه نک مع فائض بالغ اولدینی یوز سکسان الی عدد سیم مجیدیه نک مومی الیه حسنی بکدن بالتحصیل مدعی حاجی اغوب افندی به تسلیمنه و حین تأدیه به دکن رأس المال ایچون بشقه جه گذشته یوریدلمسینه و مدعی حاجی اغوب افندی نک اجرای موقت حقنده کی طلبنک ردینسه حکمدن و مستدعی

تمیز حسنی بکک اشبو حکم علیه سنده لایحه سنده محرر باشلوجه اعتراضی منازع فیه سند جبرو قبول ایدر امره محرر سندات تجاریه دن اولیوب دروننده گذشته مقاوله سی مشروط اولمق جهتیله سندات عادیه دن اوله رق مرجع رؤیتی محکمه نظامیه اولدینی حالده خارج از وظیفه تجارت محکمه سنجیه رؤیت اولنسی یولسز و مغایر قانون اولدیغندن بمخله اعلام مذکورک نقضی استداسندن و سالف الذکر مطالعه نامه مآلی دخی لایحه تمیزیه ده وظیفه ده داتر سرد ایدیلان اعتراضک موافق قانون اولدینی بیانندن عبارت بولنمشدر .

ایجابی مذاکره اولندقدن اعلام مذکور مندر جاتسندن منقهم اولدینی اوزره مدعابه سند گذشته مقاوله لی اولدینی جهته جبرو قبول ایدر سندات تجاریه قیلندن اولیوب سندات عادیه دن اولدیغنه وبومثللو سنداتک حاوی اولدینی الحقه نک حامل اولی طرفندن طلب ودعوی ایدلمسی حکم قانون اقتضاسندن ایکن شخص ثالث اقامه ایتدیکی دعوانک استماعیه قرار ویرلمسی مخالف قانون اولدیغندن اصول محاکمه حقوقیه قانوننک ایکییوز قرق ربنجی ماده سی موجبنه اعلام مذکورک نقضیه قانون مزبورک ایکی یوز قرق درونجی ماده سنک فقره اخیره سی حکمنه توفیقاً کیفیتک صور محرره دائره سنده یکیدن بالرؤیه اعلامه ربطی ضمنتده محکمه مذکوره به اعاده سنه و مومی الیه حسنی بک نامه اخذ اولسان درت یوز اون بچق غروش مصارف تمیزیه نک ایلروده حقسز جقیه جق طرفه عائد اولسنه ۶ تموز سنه ۳۰۹ تاریخده متفقاً قرار ویرلدی .

اعلانات

اهمومات شرعیه اجرا دائره سنده :

تفکیکان حضرت شهرباریدن بیرام افندی نک اجزاجی قول اغالرندن احمد فائق افندی زوجه سی خدیجه کامران خانم ذمتنده با اعلام شرعی الهجنی اولان مبالغ معلومه نک تأمین استیفاسی ضمنتده مدیونته مزبور نک عهده سنده اولوب محجوز واسکدار بدایت محکمه سی حقوق دائره سی اعلامیه فروختی محکوم بولنان بککریکی قریه سنده کولبیجه زقاغنده واقع مکرر یکریمی سکیز نومرو ایله مرقم یدییوز قرق یدی ذراع مقداری برقطعه عرصه بوندن اول لدی المزایده لیرای عثمانی یوز غروشیدن بشیک سکیز یوز غروش بدل ایله طالبی اوزرنده تقرر ایتش اولدیغندن یوزده بش ضم ایله بوندن زیاده به

طالب اولانلرک و اطرافلیجه معلومات المق ایستینلرک تاریخ اعلاندن اعتباراً اوتوز برکون ظرفینده در سعادت اعلامات شرعیه اجرا دائره سنه مراجعت ایللری صوک دفعه اوله رق اعلان اولنور .

اذینه بدایت محکمه سی اجرا دائره سنده :

اذمیده اطه لیلر چارشوسنده مقیم صراف آشجیان کر قور افندی نک اذمیده تابع قره تپه قریه سندن چودار اوغلی واسیل ذمتنده برقطعه اعلام نظامی موجبنه الهجنی اولان مبالغ معلومه نک تأمین استیفاسی ضمنتده مدیون مرقومک قریه مذکور نک کوی اوستی موقعنده کائن غرباً یول وغربدن شرقه طقسان یدی خطوه وشمالدن جنوبه یوزیکریمی خطوه مسافه ده اورمان ایله محدودایکی دونمی حاوی برقطعه ترلا وینه قریه مذکوره ده واقع کوی الی نام موقعده کائن شرقاً اورته کویلی السطاش وقره یانی بانجی سی غرباً بیوک دره شمالاً اوزوناک یورغاک ترلا سی جنوباً شاله قدر اوچیوز اوتوز خطوه مسافه خالی چاللیق ایله محدود اون بش دومن دیگر برقطعه ترلالری موقع مزایده یه قولش و مجموعی بیک بشیوز غروشده طالبی عهده سنده تقرر ایتش اولدیغندن تاریخ اعلاندن اعتباراً اوتوز برکون ظرفنده یوزده بش ضمیمه طالب اولانلرک اذمید سنجانی بدایت محکمه سی اجرا دائره سنه مراجعت ایللری صوک دفعه اوله رق اعلان اولنور .

اذینه قضاسی بدایت محکمه سی اجرا دائره سنده :

اذینه قصبه سنک جامع کبیر محله سنده ساکنه قناریه اوغلی متوفی عارف زوجه سی عایشه خاتونک متوفای مرقوم ذمتنده با اعلام شرعی الهجنی اولان مبالغ معلومه نک تأمین استیفاسی ضمنتده متوفای مرقومک اموال متروکه سندن قصبه مذکور نک جامع کبیر محله سنده واقع طرفینی عبد القادر خانه سی و دیگر طرفی روم اندریا ورته سی املاکی و بر طرفیده طریق ایله محدود ایکی قاتندن عبارت براوطه و بر صوفه و مشتملات سائرینی حاوی بر باب خانه سی قصبه مذکوره دن حاجی کوسه نک حسنی عهده سنده ایکیییک بشیوز قرق غروشده تقرر ایدوب ۵ ایلول سنه ۳۲۲ تاریخده قرار داده سی کشیده قلندیغندن تاریخ اعلاندن اعتباراً یوزده بش ضم ایله طالب اولانلرک اوتوز برکون ظرفنده اذینه قضاسی بدایت محکمه سی اجرا دائره سنه مراجعت ایللری اعلان اولنور .